

Vischnaunca da Mustér

Lescha forestala

2011

I. Disposiziuns generalas

- Art. 1 Intent
2 Principi

II. Administraziun

- 3 Organisaziun
4 Administraziun e survegionza
5 Suprastonza communal
6 Gerau dil forestalesser
7 Forester communal/menader dil menaschi

III. Cultivaziun digl uaul

- 8 Finamira
9 Segirtad da lavur
10 Protecziun dalla lenna
11 Infrastructura
12 Diever dallas vias d'uaul

IV. Products forestals e prestaziuns forestalas

- 13 Commercialisaziun
14 Vendita da lenna
15 Lenna per agen diever
16 Lenna morta e cavrida
17 Prestaziuns per diever public ed accessori

V. Terminaziun e mesiraziun

- 18 Mesiraziun e revisiun

VI. Protecziuns encunter donns

- 19 Pasculaziun
20 Fiug
21 Campar

VII. Disposiziuns penalas

- 22 Cumpetenzza
23 Multas
24 Scadenza, mieds legals

VIII. Disposiziuns finalas

- 25 Vigur

I. Disposiziuns generalas

Art. 1 Intent

La lescha forestala regla l'organisaziun, las incumbensas e las obligaziuns dil survetsch forestal dalla vischnaunca.

Art. 2 Principi

Il s uauls communal s duein saver ademplir lur funcziun da protecziun, d'utilisaziun, dil beinstar public e sco spazi vital per fauna e flora a moda cuzzonta.

II. Administraziun

Art. 3 Organisaziun

La vischnaunca meina in survetsch forestal. Per ademplir cumpetentamein sias incumbensas sa il survetsch forestal collaborar cun las vischnauncas vischinontas e separticipar a cooperaziuns da menaschi. El sa era surprender lavurs accessorias.

Art. 4 Administraziun e survigilanza

L'administraziun e la survigilanza dils uauls communal cumpeta alla suprastanza communal. In commember dalla suprastanza s'occupescha cun ils fatgs forestals.

Art. 5 Suprastanza communal

La suprastanza communal ei responsabla pil manteniment e per la cultivaziun cunvegna dils uauls communal. Ella

- a) fixescha las directivas dalla politica forestala;
- b) elegia il forester communal e regla sias incaricas e cumpetenzas;
- c) prepara il preventiv ed approbescha il rapport ed il program annual;
- d) survigilescha la gestiun dil menaschi;
- e) engascha ils collaboratur permanent;
- f) punescha surpassaments dallas prescripziuns forestalas.

Art. 6 Gerau dil forestaless

Il gerau dil forestaless promova l'economia forestala e la commercialisaziun dalla lenna en vischnaunca e representa ils interess forestals en suprastanza communal ed anoviars.

Art. 7 Forester communal/menader dil menaschi

Il forester communal meina il menaschi forestal tenor las disposiziuns executivas dil Cantun e las directivas communalas.

III. Cultivaziun digl uaul**Art. 8 Finamira**

Ils uauls communalas ein da cultivar tenor las disposiziuns dalla planisaziun forestala. Els ston vegnir cultivai ed utilisai conform principis economics ed ecologics cun mantener lur funcziun.

La cultivaziun digl uaul succeda tenor ils principis dalla selvicultura naturala. La regiuvinaziun naturala ei da promover en mintga risguard.

Igl equilibr e la variaziun ecologica dils uauls ei da mantener e promover. Denter fauna e flora duei medemamein reger in equilibr.

Art. 9 Segirtad da lavur

Lavurs d'uaul astgan vegnir exequidas sulettamein da luvrers cun formaziun professiunala corrispundenta¹. La disposiziun davart la segirtad da lavur digl ISAA (SUVA) ein da risguardar.

Plinavon astgan lavurs a tiarzas persunas vegnir surdadas mo sch'ina execuziun conscienziusa ei garantida.

Art. 10 Protecziun dalla lenna

Nua ch'igl ei necessari pil beinprosperar digl uaul e per segirar la qualitad, sto la lenna vegnir allontanada immediat ord igl uaul ni vegnir tractada a moda cumpetenta.

Art. 11 Infrastructura

Per cultivar ils uauls communalas eis ei da crear e mantener ina infrastruttura commensurada.

Art. 12 Diever dallas vias d'uaul

Il diever dallas vias d'uaul ei en principi lubius mo per intents forestals ed agricols sco era per las excepziuns lubidas tenor la lescha d'uaul federala e cantunala.

Las lubientschas e las excepziuns regla la suprastanza communalala en il reglament da traffic.

Ils cuosts da manteniment dallas vias d'uaul vegnan reparti tenor diever effectiv.

¹ Prescripziuns davart la scolaziun minimala dils luvrers d'uaul el cantun Grischun.

IV. Products forestals e prestaziuns forestalas

Art. 13 Commercialisaziun

La vischnaunca commercialisescha e promova tenor meglier pusseivel ils products forestals e las prestaziuns forestalas. Ella sa sustener associaziuns e cooperaziuns cun las medemas finamiras.

Art. 14 Vendita da lenna

La vischnaunca venda la lenna tenor ils principis dallas usanzas commercialas dalla Svizra, respectivamein dalla fiera libra.

Art. 15 Lenna per agen diever

Mintga habitont sa tenor pussevividad retrer per agen diever lenna da brisch e da diever, e quei per il prezi da fiera.

Art. 16 Lenna morta e cavrida

Cavrida cun in diameter sut 16 cm, roma, scorsas e cuschas libras astgan vegnir rimnadas cul consentiment dil forester communal.

Art. 17 Prestaziuns per diever public ed accessori

Ils cuosts da prestaziuns per il diever public ston esser documentai ed ein da metter aschi lunsch sco pusseivel a quen als gudiders.

V. Terminaziun e mesiraziun

Art. 18 Mesiraziun e revisiun

Ils proprietaris d'uaul ein obligai da mantener la terminaziun. Succeda quei entras il forester communal vegnan ils cuosts adossai proporziunalmein als proprietaris.

Tiarms e segns da cunfin astgan vegnir remplazzai sulettamein dil geometer official.

Igl ei scumandau da midar, disfar ni donnegiar tiarms, segns da cunfin, puncts da mesiraziun, cunfins da partiziuns d'uaul, stagnaziuns da projects etc..

VI. Protecziuns encunter donns

Art. 19 Pasculaziun

La pasculaziun dil territori d'uaul ei scumandada. Il contract da servitud, impurtaus el cudisch funsil dalla vischnaunca, e las disposiziuns ella planisaziun forestala fixeschan ils detagls.

Art. 20 Fiug

Igl ei scumandau da far fiug egl uaul ed ella vischinonza da quel.

Art. 21 Campar

Igl ei scumandau da campar egl uaul.
Sur d'excepziuns decida la suprastonza communal.

VII. Disposiziuns penalas**Art. 22 Cumpetenzza**

La suprastonza communal ei cumpetenta per tuts surpassaments dallas prescripziuns forestalas, aschilunsch che quels ein buca adossai alla cumpetenzza d'ina autra istanza.

Art. 23 Multas

Tgi che cunterfa sapientivamein ni ord negligentscha a quella lescha ed allas prescripziuns che sebasan sin ella, vegn castigiaus dalla suprastonza communal cun fallonza tochen frs. 10'000.--. Daventa quei per regl da gudogn, ei la suprastonza communal buca ligiada vid igl importo maximal.
Plinavon ei il donn da refar e d'indemnisar cumpleinamein.

Art. 24 Scadenza, mieds legals

Encunter las multas dadas dalla suprastonza communal sa vegnir recurriu enteifer 30 dis alla Dertgira administrativa.

VIII. Disposiziuns finalas**Art. 25 Vigur**

Cun la vigur da questa lescha ein tuttas prescripziuns che stattan en cuntradicziun cun la nova lescha cassadas, specialmein la lescha forestala dils 18 d'avrel 1999.

Approbau dil cussegl da vischnaunca ils 12 da november 2010.

Quella decisiun vegn tenor art. 21 lit. b dalla constituziun communal suttamessa al referendum facultativ.

Il president communal:
Dr. Dumeni Columberg

Il canzlist communal:
Andri Hendry

Approbau digl Uffeci forestal Grischun ils 21 da december 2010.